



Broj: 09-20-11-2-1518

Datum: 02.8.2022. godine

Na osnovu člana 43. stav 1., a u vezi sa članom 45. stav 2. Zakona o unutrašnjim poslovima Federacije BiH („Službene novine FBiH“, broj 81/14) i čl. 27. i 70. Zakona o javnim nabavkama („Službeni glasnik BiH“, broj 39/14), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2022. godinu, zamjenik direktora Federalne uprave policije, d o n o s i:

ODLUKU

o izboru najpovoljnijeg ponuđača nabavke za LOT 1 - Godišnja inspekcija za helikopter Bell 206B sa izdavanjem CRS-a za sve izvršene radove za 2022. godinu („Tekuće održavanje i popravak helikoptera“)

I

Na osnovu obavještenja o nabavci objavljenog u „Službenom glasniku BiH“, broj 1412-3-1-114-3-75/22 od 10.6.2022. godine, proveden je pregovarački postupak sa objavom obavještenja o nabavci, u predmetu nabavke „Tekuće održavanje i popravka helikoptera“.

II

Za predmetnu nabavku LOT 1, zaprimljena je jedna ponuda i to od ponuđača: Avio servis „IKAR“ a.d. Banja Luka.

III

Komisija je utvrdila da ponuda ponuđača Avio servis „IKAR“ a.d. Banja Luka, za LOT 1 - Godišnja inspekcija za helikopter Bell 206B sa izdavanjem CRS-a za sve izvršene radove za 2022. godinu, sa cijenom od 23.100,00 KM bez PDV-a, odnosno 27.027,00 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača.

IV

Obavezuje se ponuđač iz tačke III ove Odluke da, u roku od 5 dana od dana prijema ove Odluke, dostavi dokumente navedene u Tenderskoj dokumentaciji, broj protokola 09-20-11-2-1518 od 09.6.2022. godine.

V

Po okončanju roka za žalbu ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku.

VI

Prihvatajući prijedlog Komisije zamjenik direktora Federalne uprave policije donosi Odluku kao u dispozitivu i ista stupa na snagu danom donošenja.

VII

Za izvršenje Odluke zadužuje se Sektor za materijalno-finansijske poslove.

O b r a z l o ž e n j e

Komisija za provođenje postupka nabavke u skladu sa članom 8. Zakona o javnom nabavkama za 2022. godinu, imenovana Rješenjem zamjenika direktora Federalne uprave policije, broj 09-19/1-30-2-66 od 20.01.2022. godine, postupila je shodno obavještenju o nabavci koji je objavljen u „Službenom glasniku BiH“, broj 41/22 od 24.6.2022. godine, na osnovu čega je proveden pregovarački postupak nabavke „Tekuće održavanje i popravak helikoptera“, podijeljena na lotove i to: LOT 1- Godišnja inspekcija za helikopter BEL 206 B sa izdavanjem CRS-a za sve izvršene radove za 2022. godinu, LOT 2 – Nabavka rezervnih dijelova i potrošnog materijala za helikopter BEL 206 B, LOT 3 – Nabavka usluga limarskih radova i LOT 4 – Nabavka TT strapova. Procijenjena vrijednost za LOT 1: 21.000,00 KM bez PDV-a, LOT 2: 17.000,00 KM bez PDV-a, LOT 3: 582,05 KM bez PDV-a i za LOT 4: 12.700,00 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača Avio servis „IKAR“ a.d. Banja Luka, SHOT d.o.o. Zenica i MIPEX-AUTO RS d.o.o. Banja Luka. Komisija je dana 12.7.2022. godine uputila Pozive kvalifikovanim ponuđačima za dostavljanja početnih ponuda. U skladu sa navedenim rokom ponuđač Avio servis „IKAR“ a.d. Banja Luka je dostavio početnu ponudu za LOT 1, LOT 2, LOT 3 i LOT 4, ponuđač SHOT d.o.o. Zenica je dostavio početnu ponudu za LOT 2 i LOT 4, dok ponuđač MIPEX-AUTO RS d.o.o. Banja Luka nije dostavio početnu ponudu, iz razloga jer je uložio žalbu na LOT 2 i LOT 4.

Komisija je uvidom u gore navedene ponude konstatovala da je ponuda ponuđača Avio servis „IKAR“ a.d. Banja Luka za LOT 1 ocijenjena prihvatljivom što je konstatovano u Zapisniku broj 09-20-11-2-1518 od 27.7.2022. godine, dok se ponuda ponuđača SHOT d.o.o. Zenica nije ni otvarala obzirom da se odnosila na LOT 2 i LOT 4, na koje je uložena žalba.

Pregovori sa ponuđačem Avio servis „IKAR“ a.d. Banja Luka obavljani su dana 19.7.2022. godine, o čemu je također sastavljen Zapisnik broj 09-20-11-2-1518, nakon čega je dana 20.7.2022. godine ponuđaču Avio servis „IKAR“ a.d. Banja Luka upućen poziv za dostavljanje konačne ponude.

Komisija je na sastanku održanom dana 27.7.2022. godine izvršila analizu zaprimljene konačne ponude, u smislu da li ispunjava uslove navedene u pozivu ugovornog organa za dostavljanje konačne ponude. Utvrđeno je da je iznos ponude ponuđača Avio servis „IKAR“

A.D. Banja Luka za LOT 1 - Godišnja inspekcija za helikopter Bell 206B sa izdavanjem CRS-a za sve izvršene radove za 2022. godinu, u visini od 23.100,00 KM bez PDV-a, odnosno 27.027,00 KM sa PDV-om. Procijenjena vrijednost radova za LOT 1 iz tenderske dokumentacije je 21.000,00 KM bez PDV-a.

Obzirom da je ponuđena cijena neznatno veća u odnosu na procijenjenu vrijednost radova iz Tenderske dokumentacije, Komisija je donijela jednoglasan zaključak, te je Sektoru za materijalno-finansijske poslove uputila akt broj 09-20-11-2-1518 od 28.7.2022. godine, kojim je traženo izjašnjenje da li će se za realizaciju LOT-a 1, čija je procijenjena vrijednost 21.000,00 KM bez PDV-a, obzirom da se radi o jedinom ponuđaču čija je konačna ponuda 23.100,00 KM bez PDV-a, a koja je veća za 2.100,00 KM bez PDV-a, moći iznaći dodatna sredstva, a sve s ciljem predlaganja i donošenja konačne odluke koja će biti upućena rukovodiocu organa.

Dana 29.7.2022. godine od Sektora za materijalno-finansijske poslove zaprimljen je akt, broj 20-20/1-11-2-1518 od 28.7.2022. godine, u kojem je navedeno da će Federalna uprava policije biti u mogućnosti obezbijediti sredstva u budžetu za realizaciju LOT-a 1 - Godišnja inspekcija za helikopter Bell 206B sa izdavanjem CRS-a za sve izvršene radove za 2022. godinu.

Obzirom na sve naprijed navedeno Komisija daje preporuku rukovodiocu organa da donese odluku o izboru najpovoljnijeg ponuđača za LOT 1 – Godišnja inspekcija za helikopter BEL 206 B sa izdavanjem CRS-a za sve izvršene radove za 2022. godinu, i to ponuđača Avio servis „IKAR“ a.d. Banja Luka sa cijenom 23.100,00 KM bez PDV-a, odnosno 27.027,00 KM sa PDV-om, koja u ekonomskom i tehničkom smislu zadovoljava zahtjev ugovornog organa.

POUKA O PRAVNOM LIJEKU:

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog/prvostepenog organa.

Prilog:

- Zapisnik o ocjeni konačne ponude 09-20-11-2-1518 od 27.7.2022. godine
- Zapisni broj 09-20-11-2-1518 od 01.8.2022. godine

Dostaviti:

- Sektoru za mat-fin poslove;
- ponuđačima;
- u spis.



**ZAMJENIK DIREKTORA
GENERALNI INSPEKTOR POLICIJE**
Ensad Korman